

Bosna i Hercegovina  
Federacija Bosne i Hercegovine  
Srednjobosanski kanton  
**OPĆINA GORNJI VAKUF – USKOPLJE**  
**-OPĆINSKI NAČELNIK-**

Broj :02-14-370/18  
Datum : 05.02.2018.god.

## **PROGRAM RADA OPĆINSKOG NAČELNIKA ZA 2018. GODINU**

Program rada Općinskog načelnika za 2018. godinu temelji se na osnovu planiranog budžeta i aktivnosti općinske administracije kako bi se našim građanima osigurale što kvalitetnije usluge i bolji uslovi života na području cijele općine.

Težište u radu Općinskog načelnika u tekućoj godini biće na sljedećim poslovima i zadacima:

- nastaviti stalno usavršavanje uposlenika, što će uz njihovu veću odgovornost poboljšati rad u svim službama, posebno brže rješavanje zahtjeva građana i privrednih subjekata u oblasti urbanizma, imovinsko-pravnih odnosa, komunalija i inspekcijiskog nadzora,
- Izraditi strategiju razvoja općine,
- posebnu pažnju posvetiti praćenju i realizaciji budžetskih prihoda, posebno neporeznih i predlaganju mjera u cilju njihove realizacije,
- nastaviti radove na izgradnji regulacije korita rijeke Vrbas,
- kroz program IFAD-a značajnije podržati poljoprivredu u ruralnim područjima općine,
- obezbijediti finansijska sredstva za rekonstrukciju gradskih ulica i provesti proceduru za izvođenje radova,
- obezbijediti finansijska sredstva za rad Općinske uprave i ostalih korisnika Općinskog budžeta.
- realizacija potpisanih ugovora na asfaltiranju makadamskih puteva.

U skladu sa nadležnostima utvrđenim Ustavom Federacije Bosne i Hercegovine,Zakonima Federacije Bosne i Hercegovinei Srednjobosanskog kantona te Statuta općine,najvažniji zadaci koji stoje pred Općinskom upravom u 2018. godini, mogu se svrstati u sljedeća područja:

### **KABINET NAČELNIKA**

U 2018.godini Služba planira izvršavati poslove i zadatke koji su joj u opisu poslova, koji su vezani za Program rada Općinskog vijeća, Program rada Općinskog načelnika i koji su zakonom preneseni u nadležnost službe.

U 2018.godini Služba će opsluživati potrebe Općinskog vijeća, Općinskog načelnika i ostalih službi u stručnom i pomoćno-tehničkom dijelu.

### **Komunalni inspektor**

Komunalni inspektor će provoditi sljedeće aktivnosti u 2018. godini na osnovu zakona o komunalnim djelatnostima i propisa donesenih na osnovu tog Zakona, provođenju Odluke o komunalnom redu Općine G. Vakuf-Uskoplje, Odluke o utvrđivanju posebni uvjeta za obavljanje slobodnog obrta proizvodnje drvenog uglja, provođenje kantonalnog zakonu o lokalnim cestama i zakona o etažnom vlasništvu, odluke o privremenom korištenju javnih površina na teritoriju općine G. vakuf-Uskoplje, Odluke o naknadi za korištenje objekata i uređaja zajedničke komunalne potrošnje, odluke o uvjetima držanja i načinu postupanja sa

domaćim životinjama , kućnim ljubimcima i nezbrinutim životinjama, odluke o pijačnom redu općine G. Vakuf-Uskoplje.

Komunalni inspektor u 2018. godini obavljati nadzor i vršiti pregled nad primjenom i provedbom davatelja komunalnih usluga , objekata i uređaja, na osnovu navedenih zakona i odluka, kao što su: gradske prometnice, kategorisane i ne kategorisane putove na području Općine G. vakuf-Uskoplje, sredstava javnog prometa, autobusne postaje, javne rasvjete, česme groblja, sportski objekti, tržnica, gradskih parkova.

Pored navednog komunalni inspektor u 2018. godini posvetit će pažnju:

- regulaciji površinskih voda sa lokaliteta Sahat Kule i Partizanskog Groblja, jer površinske vode se razlijevaju na ulice ispod Sahat Kule te stvaraju naslage po ulicama.
- uređenju na zelenoj pijaci kako bi korisnici imali mokri čvor, pitku vodu i poseban plato za zajedničku vagu korisnika.

Također, komunalni inspektor vršit će poslove inspekcijskog nadzora iz oblasti komunalne djelatnosti kao što su:

- Odvoz i sakupljanje smeća domaćinstava kao i industrijskog i građevinskog otpada te pravilno i propisno odlaganje na gradskoj deponiji „Batuški lug“ G Vakuf-Uskoplje,
- Izradi plana sa predstavnikom JKP»Radovina « o proširenju odvoza smeća na ne pokrivena sela MZ Voljevac i Bojska,
- Učešće u aktivnostima na iznalaženju rješenja izgradnje nove gradske deponije tj. ustrajati na aktivnostima stvaranja zajedničke deponije za četiri općine Gornjo-Vrbaske doline,
- Tokom 2018. godine vršenje kontrolu čišćenja potoka Barice i kanala na Paločkom putu i na istoj lokaciji izvršiti čišćenje riječnog nanosa na Stogačama,
- Vršenje kontrole, u zimskom periodu, na čišćenju snijega gradski ulica i putova po mjesnim zajednicama i na istim radi sigurnosti saobraćaja i pješaka, kao i otklanjati nedostatke u ljetnom održavanju putova,
- Održavanje , čišćenje javnih površina, parkova, ulica kao i pranje istih,
- Redovna kontrola čišćenje i pranje zelene pijace Općine G. Vakuf-Uskoplje.
- Kontrola čišćenja na Buvljoj pijaci koja zbog naplate placarine pripada Boračko-invalidskoj populaciji,
- Vršenje kontrole nad pojavom i djelovanju na suzbijanju pojave stvaranja divljih deponija u užem gradskom jezgru, uz putne pravce, uklanjane divljih deponija i identificiranju fizička i pravna lica, te poduzimanju zakonom propisanih mjera,
- Uspostavi uske suradnje sa Policijskom stanicom radi mjerodavnosti zapisnika o pričinjenim štetama ulične rasvjete, saobraćajnog znakovlja i dr. radi nadoknade šteta sudskim putem,
- Poduzimanje upravnih mjera i radnji kojim se naređuje otklanjanje utvrđenih nedostataka i nepravilnosti i donosi odgovarajuća rješenja.
- Vršenje kontrole donesenih rješenja i vođenje evidenciju o istim ,sukladno sa zakonom podnositi prekršajne prijave.
- Uspostava suradnje i sudjelovanje u radu sa kantonalnim odnosno općinskim inspektorima po pitanjima koja su od zajedničkog interesa u vršenju inspekcijskog nadzora kao što su korištenje javnih površina, prodaja roba na buvljoj pijaci, međuopćinska izvorišta pitke vode i dr.,

Obzirom da se sve više pojavljuje bolest kod papkara Bruceloza intervenirat će komunalni inspektor zajedno s veterinarskim inspektorom, predstavnicima civilne zaštite Općine G. Vakuf-Uskoplje na sprječavanju širenja bolesti, kod stočara poduzimati akcije po uputama veterinarskog kantonalnog inspektora .U proljetno –ljetnom periodu neophpdno je izvršiti kontrolu na stadima koja dolaze sa drugih općina i kantona radi pašarenja na našim terenima (Vranice i Raduše).

## Urbanističko-građevinski inspektor

Plan rada urbanističko-građevinske inspekcije se uglavnom zasniva na provođenju Zakon o prostornom uređenju ( "Službene novine SBK/KSB", broj:11/14) i tad istupa u svojstvu urbanističkog inspektora, Zakon o građenju ( "Službene novine SBK/KSB", broj: 10/14 ) i tad istupa u svojstvu građevinskog inspektora i praćenju i provođenju Odluke o privremenom korištenju javnih površina na području općine Gornji Vakuf-Uskoplje ( "Službeni glasnik općine Gornji Vakuf-Uskoplje", broj: 5/17 ). Ova dva pomenuta Zakona su osnovni materijalni propis koje provodi urbanističko-građevinska inspekcija a ništa manje važni nisu ni drugi propisi kao što su gore pomenuta Općinska Odluka te važeći prostorno planski dokumenti koje posjeduje Općina Gornji Vakuf-Uskoplje

Pored praćenja važeće prostorno planske dokumentacije zadaci koji se planiraju u ovoj godini između ostalog su:

- Obavljanje svih aktivnosti predviđenih opisom radnog mjesta.
- Vođenje posebnog upravnog postupka je stalna aktivnost i osnovna obaveza kao i praćenje zakonskih propisa iz oblasti prostornog planiranja i građenja.
- Izrada polugodišnjeg i godišnjeg izvještaja u cilju informiranja nadležnih organa o stanju i problemima iz ove oblasti.
- Vršenje koordinatorskih obaveza za projekte gdje postoji opći interes.
- Vršenje nadzora ili super nadzora na objektima koje finansira ili sufinansira općina.
- Aktivno učešće i rad na projektu rekonstrukcije gradskih ulica.
- Aktivno učešće i rad na projektu nastavka uređenja javnih površina u gradu.
- Vršiti izradu svih materijala o stanju i problemima u oblasti prostornog planiranja i građenja te predlaganje mjera radi utvrđivanja politike prostornog planiranja i građenja.
- Insistirati na Pripremi Odluke o raščlanjivanju četvrte zone u više podzona (npr. IVa, IVb i IVc podzona ) i uvođenje određene vrijednosti naknade za pogodnost građevinskog zemljišta (rente) i vrijednosti komunalija za građenje objekata shodno datoj podzoni kojoj pripada, obzirom da su se stekli određeni uslovi za ovu aktivnost i dijeljenje naseljenih mjesta u podzone.
- Insistirati na Pripremi Odluke o određivanju zemljišta za redovnu upotrebu objekata kolektivnog stanovanje, samo za jedan objekt ovog tipa koji je prije rata sagrađen i useljen je određeno zemljište za redovnu upotrebu.
- Insistirati da elaborat iskolčavanja građevine prije početka gradnje obavlja tijelo mjerodavno za katastar samostalno ili te poslove povjeri pravnoj osobi registrovanoj za izvođenje tih poslova, sukladno uvjetima datim u odobrenju za građenje i na temelju glavnog ili izvedbenog projekta kao što nalaže član 47. Zakona o građenju (" Službene novine SBK/KSB", broj: 10/14), što bi olakšalo rad službe kao i urbanističko-građevinske inspekcije.
- Insistirati da se parcelacija kako poljoprivrednog tako i građevinskog zemljišta vrši u skladu sa Zakonom o prostornom uređenju kojim je predviđeno da se parcelacija građevinskog zemljišta obavlja prema dokumentima prostornog uređenja, te stoga parcelacije istog kao i svake druge promjene na obliku, dimenziji i funkciji date parcele moraju biti u skladu sa dokumentima prostornog uređenja na osnovu saglasnosti mjerodavnog tijela za urbanizam i prostorno planiranje.
- Insistirati na donošenju Regulacionog plana za naselja "Donje polje" i gornji dio gradskog područja.
- Pravovremeno i odgovorno odreagovati na apel građana na stanje gradilišta koje ostave javna preduzeća poslije izvedenih radova. Iz dosadašnjeg iskustva pokazalo se da

postoje ogromni problemi i ne vraćanje u prvobitni položaj okolnog prostora, prekopavanja i sl. od strane telekoma, elektroprivreda...

- Uvesti registar korisnika svih javnih površina a pogotovo korisnika javnih površina koji su u nekom prethodnom periodu bez saglasnosti postavili reklamne panoe duž magistralne ceste M16.2.

### **Informisanje i mladi**

U toku 2018. godine služba u okviru povjerenih poslova, pratiti će propise iz oblasti pristupa informacija, učestvovati u rješavanju podnesnih zahtjeva, te nastaviti će redovno slanje Kvartalnih izvještaja o primjeni Zakona o slobodi pristupa informacijama i broju podnesenih zahtjeva u općini Gornji Vakuf-Uskoplje Federalnom parlamentu i uredu Ombudsmana F BiH.

Također, aktivno će se pomagati rad Vijeća mladih općine Gornji Vakuf-Uskoplje i koordinirati u saradnji Vijeća mladih i Komisije za ljudska prava, mlade i ravnopravnost spolova Općinskog vijeća.

Pored navedenog u okviru redovnih poslova težište u radu biće na:

- vođenju i pisanju Zapisnika sa sjednica OV-a, kao i u izradi, tehničkom uređenju i štampanju Službenih glasnika općine Gornji Vakuf-Uskoplje,
- pisanju priloga za WEB stranicu općine, kao i pružanje usluga medijima u okviru svojih radnih zadataka i ovlaštenja,
- pomaganju u organizaciji svečane sjednice Općinskog vijeća „01.10.-Dan općine Gornji Vakuf-Uskoplje“, kao i ostalih manifestacija koje budu upriličene u 2018. godini

### **Informacioni sistemi i informatička oprema**

U ovoj oblasti pored redovnih poslova u 2018.godini služba će posebnu pažnju posvetiti;

- poboljšanju rada na web stranici – više vijesti i u pravo vrijeme,
- građenju vizualnog identiteta Općine,
- nastavku sa obnovom IT opreme,
- poboljšanju sustava zaštite.

Prioritet u radu u 2018 godini biće uložiti veća finansijska sredstva u zaštiti mreže (kupnjom firewala, routera, junipera i sl., te antivirusa), a u cilju zaštite, u prvom redu, određenih baza podataka. Pored ovog da bi se uradila efikasna zaštita potrebno bi bilo donijeti Odluku o korištenju IT opreme kojom bi bilo omogućeno, između ostalog, da se korisnicima oduzmu administratorska prava, a kreiraju korisnički računi tzv. STANDARDNI NALOG na svim računarima na kojima je to moguće (OS Win 7 i noviji).

Korisnik takvog naloga ima dovoljno ovlasti za svakodnevni rad sa instaliranim programima, dokumentima, elektronskom poštom kao i pretraživanje web sadržaja. Ako bi se radilo preko ovako kreiranog računa (STANDARDNI NALOG) znatno bi se povećala sigurnost od napada sa interneta

### **PRIVREDA I FINACIJE**

Ova Služba će u narednoj 2018. godini u okviru svojih ovlasti, i uz redovno obavljanje povjerenih obveza naročito posvetiti pažnju na sljedeće:

Raditi na izradi strategije razvoja općine, prepoznati svoju ulogu i dati svoj doprinos u realizaciji pojedinih projekata, a koji se odnose na poboljšanje uvjeta za razvoj privrede uopće na prostoru općine Gornji Vakuf-Uskoplje.

Općina Gornji Vakuf-Uskoplje je kroz projekt izgradnje industrijske zone u proteklih sedam godina uložila cca 1.640.000,00 KM u izgradnju komunalne infrastrukture, kao i samog pristupa, na prostoru Batuškog Luga, kako bi stvorila povoljnije preduvjete za investiranje od strane poduzetnika u izgradnju proizvodnih objekata na tom prostoru. Ove 2018 godine općina

je također općinskim budžetom predvidjela 100.000,00KM za investiciono održavanje i poboljšanje uvjeta u poduzetničkoj zoni, kroz infrastrukturne projekte.

Općina je prepoznala i potrebu za poboljšanjem pristupnoga puta za Ski-centar Raduša, time što je planirano 100.000, KM za rekonstrukciju istoga.

Općina je svojim prijedlogom budžeta za 2018 godinu, također predvidjela ponovno sredstva u visini od 50.000,00 KM za poticaj poljoprivredi. Od tih sredstava općina ima u planu ponovno podržati Sajam organske proizvodnje u poljoprivredi i zajedno sa IFAD-om i drugim institucijama i organizacijama sufinansirati projekte u ruralnim naseljima naše općine.

## **OPĆA UPRAVA**

Pored poslova propisanih zakonom, podzakonskim aktima i drugim propisima, a u cilju unapređenja rada općinske uprave u 2018. godini će se raditi na jačanju efikasnosti i odgovornosti općinske uprave, što je naša stalna zadaća, kroz stručno osposobljavanje službenika i namještenika i adekvatne organizacije posla.

Analiza sistematizacije radnih mjesta je naš stalni i kontinuirani zadatak kao i napor u cilju poboljšanja transparentnosti rada kako unutar općinske uprave tako i prema građanima.

Raditi na stvaranju preduslova sa ciljem bržeg i jednostavnijeg ostvarivanja prava građana korisnika naših usluga.

Služba će kontinuirano raditi na personalnim poslovima i poslovima arhiviranja i sređivanja arhivske građe te dostavljanje iste Kantonalnom arhivu u Travniku. Služba će redovno voditi odnosno ažurirati matičnu knjigu zaposlenih, sređivati i odlagati arhivsku građu, voditi arhivsku knjigu, pripremati rješenja o pravima i obavezama dužnosnika, službenika i namještenika općinske uprave itd.

Djelokrug rada Službe je takav da se dobar dio poslova odnosi na svakodnevne poslove koji se po prirodi posla završavaju odmah, a ti se poslovi odnose na izdavanje izvoda iz matičnih knjiga, prijem podnesaka, ovjere potpisa, rukopisa i prijepisa, izdavanje raznih uvjerenja itd.

Matični ured će u 2018. godini, pored redovnih poslova, dodatno raditi na verifikaciji matičnih knjiga, jer verifikovani upisi omogućuju brže izdavanje izvoda i uvjerenja i time se skraćuje vrijeme čekanja stranaka na šalteru. Verifikacijom matičnih knjiga smanjuje se broj provjera u matičnom uredu za izradu ličnih dokumenata i putnih isprava, a našim sugrađanima omogućuje da brže i jednostavnije dobiju svoja dokumenta i posebno što je važno, da mogu podizati svoje izvode u bilo kojem matičnom uredu na području Federacije Bosne i Hercegovine. Služba će preduzimati mjere tehničke zaštite odnosno čuvanje matičnih knjiga i elektronske baze podataka.

Kontinuirano će se vršiti svi poslovi u skladu sa Zakonom o matičnim knjigama, Porodičnim zakonom Federacije BiH, Zakonom o državljanstvu BiH, podzakonskim aktima koji se odnose na upise u matične knjige, ispravke podataka u matičnim knjigama, provođenje rješenja Službe i drugih nadležnih organa itd.

Kada su u pitanju ratni vojni invalidi i porodice poginulih boraca, Služba će u 2018. godini raditi na poslovima vođenja postupka iz svoje nadležnosti za ostvarivanje prava koja im po Zakonu o pravima boraca i članova njihovih porodica pripadaju.

Dobru saradnju sa Kantonalnom upravom za pitanja boraca će mo nastaviti i u 2018. godini. Isto tako, dobru saradnju koju imamo sa resornim Federalnim ministarstvom nastojat ćemo nastaviti i u 2018. godini posebno kada su u pitanju obračuni raznih naknada, provjera zakonitosti odnosno revizija prava iz oblasti boračko invalidske zaštite.

Kada je u pitanju revizija koja se provodi već 5 godina, a koju provodi Federalno ministarstvo za pitanja boraca i invalida odbrambeno oslobodilačkog rata u skladu sa Zakonom o provođenju kontrole zakonitosti korištenja prava iz oblasti boračko invalidske zaštite je u toku i nastavlja se i u 2018. godini. U ovom postupku Služba će dostavljati nadležnom ministarstvu tražene spise predmeta formirane u postupku ostvarivanja prava na ličnu i porodičnu invalidninu i po okončanju postupka revizije postupati po naloženom.

Služba će biti na raspolaganju građanima vezano za pravne savjete sa uputama kako najlakše i najbrže mogu ostvariti svoja prava u skladu sa zakonom koja su u njenoj nadležnosti.

U oblasti radnih odnosa kontinuirano će se vršiti svi poslovi vezani za radno pravni status zvanika, državnih službenika i namještenika.

Nastavit ćemo dobru saradnju sa Agencijom za državnu službu Federacije BiH u pogledu regulisanja radno pravnog statusa državnih službenika, a koja se odnosi na raspisivanje konkursa, obuku državnih službenika i namještenika itd.

Uspostavljenu saradnju sa Savezom općina i gradova Federacije BiH treba nastaviti i proširiti posebno kada je u pitanju usvajanje određenih zakonskih rješenja koja se tiču prava i obaveza jedinica lokalne samouprave.

Služba će vršiti prijem, otvaranje, evidentiranje, zavođenje i dostavljanje u rad podnesaka nadležnim službama na rješavanje, izdavati uvjerenja iz službene evidencije, vršiti će se ovjere potpisa, prijepisa i rukopisa, otprema pošte itd.

Općina će i u 2018. godini, a to smo radili i prethodnih godina, izvršiti prijem određenog broja volontera čime se želi pomoći visokoobrazovanim mladim ljudima da kroz volontiranje i stručno osposobljavanje za samostalan rad steknu uslove za prijavljivanje na konkurse za zasnivanje radnog odnosa.

Služba će dati svoj doprinos u izradi normativnih akata koji su u nadležnosti Općinskog vijeća i Općinskog načelnika.

## **ODGOJ I OBRAZOVANJE**

Služba će u skladu sa Zakonom o osnovnom obrazovanju SBK dostaviti spisak djece koju ima u svojoj evidenciji, a koja ispunjavaju uslove za upis u prvi razred školske 2018/2019 godine i u skladu sa navedenim zakonom, a u saradnji sa osnovnim školama i Domom zdravlja imenovat će Komisije za ocjenu sposobnosti polaznika u sve četiri osnovne škole.

U skladu sa svojim mogućnostima i nadležnostima općina će pomagati određene aktivnosti koje će provoditi osnovne škole kao što su razna takmičenja, obilježavanje značajnih datuma, nabavka knjiga itd.

Iako je SBK preuzeo ukupno finansiranje i sve poslove oko prijevoza učenika osnovnih škola, općinska uprava će biti na raspolaganju Ministarstvu obrazovanja, nauke, kulture i sporta SBK kako bi se prijevoz učenika odvija nesmetano.

Općina je u 2017 godini stipendirala 90 studenata, a u 2018. godini u transparentnoj proceduri općina će dodijeliti 100 stipendija studentima sa područja općine Gornji Vakuf-Uskoplje i u tom cilju je već raspisan konkurs za dodjelu 100 stipendija.

Služba će putem informacije o stanju u osnovnom i srednjem obrazovanju na području općine Gornji Vakuf-Uskoplje informisati Općinsko vijeće o stanju u ovoj oblasti društvenog života o kojoj će vijeće raspravljati u drugoj polovici 2018. godine.

## **SPORT I KULTURA**

Općina će u 2018. godini sredstvima iz svog budžeta i sredstvima koja će eventualno obezbjediti iz drugih izvora raditi na razvoju sporta i sportske infrastrukture. Želimo koliko je to moguće poboljšati uslove rada u klubovima te animirati mlade da se bave sportom bilo u takmičarskom ili rekreacijskom smislu. Općina će poticati i finansijski pomagati sportske klubove, druga udruženja i škole na organizovanje sportskih takmičenja (fudbalskih, rukometnih i drugih) čime se želi postići uključivanje što većeg broja djece odnosno mladih ljudi u sportske aktivnosti, a što će ih usmjeriti ka stvaranju radnih navika, stvaranju zajedništva, zdravog načina života i dr.

Općina će podržavati i neke manifestacije koje organizuje i Sportski savez SBK kao što su izbor najboljeg sportiste Kantona, zabavnu školu nogometa za dječake i djevojčice itd.

Podrška radu udruženjima iz oblasti kulture neće izostati ni u 2018. godini, čime želimo kroz finansijske i druge podrške stalno jačati kapacitete kulturno umjetničkih društava, poticati

mlade da se uključe u rad društava kako bi se očuvala tradicijska kultura našega kraja i realizovali drugi kulturni sadržaji na području naše općine.

Naša općina je već poznata po organizovanju nekih kulturnih manifestacija kao što su Festival ilahija i kasida i Uskopaljske jeseni, tako da će općina i dalje pružati podršku kulturno umjetničkim društvima odnosno udruženjima iz oblasti kulture u realizaciji ovih i drugih manifestacija i projekata sa ciljem očuvanja običaja odnosno kulturne baštine našeg kraja i sadržajnije kulturno zabavne ponude.

Kada je u pitanju sport i kultura, Služba će u drugoj polovini 2018. godine pripremiti Informaciju o stanju kulture i sporta na području općine Gornji Vakuf-Uskoplje i o tome informirati Općinsko vijeće.

Služba za opću upravu i društvene djelatnosti općine Gornji Vakuf-Uskoplje ( u daljem tekstu:Služba) će u 2017. godini vršiti upravne, stručne i druge poslove koji se odnose na:

- primjenu zakona iz oblasti građanskih stanja, odnosno propisa koji se odnose na vođenje matične knjige rođenih, matične knjige vjenčanih , matične knjige umrlih i matične knjige državljana,
- obavljanje poslova u vezi biračkih popisa u skladu sa Zakonom,
- vršenje ovjere potpisa, prijepisa i rukopisa,
- izdavanju uvjerenja o zajedničkom kućanstvu,
- provođenje zakona i drugih propisa iz oblasti kancelarijskog poslovanja,
- vršenje poslova prijema i otpreme pošte,
- zaprimanje podnesaka, zavođenje i dostavljanje na rješavanje nadležnim službama,
- vođenja personalnih poslova i poslova arhiviranja,
- osiguranje izvršenja zakona i drugih propisa u oblasti vaspitanja i obrazovanja u predškolskim ustanovama, kulturi i fizičkoj kulturi i sportu,
- vršenja stručnih pregleda općih akata ustanova iz oblasti društvenih djelatnosti, za koje je potrebna suglasnost Općinskog vijeća,
- vršenje nadzora nad javnim ustanovama na koje je preneseno obavljanje određenih poslova iz nadležnosti organa uprave,
- praćenje propisa iz oblasti koje reguliraju pitanja stradalnika rata, te donošenje rješenja u prvostupanjskom postupku,
- davanje prijedloga za jednokratne pomoći RVI i obiteljima poginulim,
- pružanje pravne i druge stručne pomoći stradalnicima ,
- suradnja sa udrugama vezanim za ovu službu,
- obavljanje i drugih poslova suglasno zakonima i Statutu općine.

Poslove koji su navedeni Služba će obavljati na zahtjev stranke i po službenoj dužnosti kada to zakon propisuje.

## **LOKALNI RAZVOJ I STAMBENO KOMUNALNI POSLOVI**

Služba za lokalni razvoj i stambeno komunalne poslove vodit će postupke po Zakonima iz svoje nadležnosti te pripremati i izvršavati rješenja, zaključke, odluke i druge poslove koje joj stavi u nadležnost Općinski načelnik. Koordinirat će se rad službe sa drugim organima uprave, pratit će se zakonski i drugi propisi i osiguravati provođenje istih iz okvira nadležnosti službe. Obavljat će se poslovi planiranja, organiziranja, i funkcionisanja službe u skladu sa Zakonima, Zakonskim propisima, Statutom i općinskim Odlukama po sljedećim oblastima:

### ***Lokalni razvoj, obnova i izgradnja***

Služba će raditi na obnovi preostalog stambenog fonda kao i na izradi i podršci projekata koji se bave pomaganjem raseljenim licima, izbjeglicama, povratnicima i održivim povratkom.

Prikupljat će se i obrađivati podaci iz oblasti obnove stambenih i infrastrukturnih objekata, procijenu stanja, te vođenje propisane evidencije. Pripremat će se planovi, analize, informacije, i izvještaji iz oblasti obnove i izgradnje za Općinskog načelnika, Općinsko vijeće i nadležna Ministarstva. Sarađivat će se sa nadležnim Ministarstvima i potencijalnim donatorima sa ciljem upoznavanja sa stanjem i dobijanjem sredstava za izgradnju porušenih objekata i lokalne infrastrukture. Vršit će se izdavanje odgovarajućih uvjerenja i drugih akata kao i ostalih poslova iz oblasti obnove, povratka i izgradnje. Služba će pratiti sve objave javnih poziva i konkursa te na iste pripremiti prijedloge projekata i aplicirati. Priprema aplikacija će se vršiti u skladu sa zahtjevima i metodologijom potencijalnih donatora odnosno organizacija koje objavljuju javne pozive.

Za odobrene projekte pristupit će se realizaciji u skladu sa zakonom, procedurama i propisanom metodologijom. Za iste projekte radit će se potrebni izvještaji, monitoring, nadzor i evaluacija.

Služba će pratiti primjenu propisa iz oblasti prometa i komunikacija, izradu projekata i rekonstrukciju što većeg broja gradskih ulica, lokalnih i nekategorisanih puteva. Vršit će se održavanje lokalnih puteva i gradskih ulica tokom cijele godine, kao i izrada planova, programa i projekata održavanja i rekonstrukcije lokalnih, nekategorisanih puteva i gradskih ulica. Prikupljat će se podaci i predlagati mjere na sanaciji gradskih ulica, lokalnih i nekategorisanih puteva, prometne signalizacije, putne opreme, te ljetnog i zimskog održavanja ulica i puteva. Pripremit će se i pratiti realizacija godišnjeg Plana i programa održavanja i rekonstrukcije gradskih ulica, lokalnih i nekategorisanih puteva koji će sadržavati što veći broj prioriternih radova na putevima s obzirom na stvarno stanje i potrebe, kao i financijske mogućnosti općine.

Završiti proces izbora izvođača radova po ZJN i započeti realizaciju projekta sanacije i rekonstrukcije glavne gradske saobraćajnice, te sabirnih i sekundarnih saobraćajnica sa potrebnom komunalnom infrastrukturom. Nastaviti projekat proširenja i izgradnje infrastrukture u industrijskoj zoni i vršiti promociju u cilju privlačenja investitora i otvaranja novih radnih mjesta. U skladu sa mogućnostima podržavat ćemo sve aktivnosti u svim naseljenim mjestima kroz izgradnju i rekonstrukciju vodovoda, kanalizacione mreže, puteva, mostova, javne rasvjete, i drugih infrastrukturnih projekata. Stalno će se raditi na izradi projektnih dokumentacija koje su neophodne za izgradnju infrastrukturnih objekata ali i za traženje pomoći od viših nivoa vlasti i drugih donatora. Aplicirat će se i tražiti pomoć za realizaciju projekata iz oblasti: infrastrukture, održivog povratka, zaštite okoliša, lokalnog razvoja i dr. Pratiti će se realizacija projekata i redovno obavještavati i koordinirati rad sa svim investitorima, partnerima i korisnicima projekata.

Služba će sarađivati sa svim Savjetima MZ odnosno predsjednicima MZ i građanima kao ravnopravnim partnerima u realizaciji raznih infrastrukturnih projekata u cilju poboljšanja životnih uvjeta u Mjesnim zajednicama. Služba će biti dostupna i na usluzi Savjetima Mjesnih zajednica kako bi dobili potrebne dokumente, informacije ili pripremili određene zahtjeve, aplikacije i dr.

### ***Stambeno komunalni poslovi***

Pratit će se propisi iz stambeno komunalne oblasti i provoditi isti. Provodit će se upravni postupci i izdavati rješenja. Pripremat će se opomene, rješenja, uvjerenja i ostali akti iz stambene i komunalne problematike. Vršit će se nadzor i provoditi potrebne mjere i radnje na osnovu općinske Odluke o komunalnom redu, i Odluke o komunalnoj naknadi. Sarađivat će se sa Općinskim sudom Bugojno po pitanju predmeta iz oblasti sudskih prijedloga za izvršenje po tužbama za komunalne naknade. Redovno će se vršiti zaduženja za izdata rješenja po osnovu komunalne naknade za sve obveznike. Vršit će se evidentiranje uplata komunalne naknade po izvodima iz finansijske službe na osnovu svakodnevnog praćenja knjigovodstvenog stanja po pitanju uplata i zaduženja. Radit će se na saniranju divljih deponija, kao i na sprečavanju nastajanja novih. Podržavat će se i pripremat i aplicirati svi projekti i aktivnosti za očuvanje životne sredine. Izvršavat će se svi poslovi nabavke, usluga, i radova po Zakonu o javnim nabavkama i propisanim procedurama.



## **CIVILNA ZAŠTITA**

Služba će organizirati, pripremati i provoditi zaštitu i spašavanje na području Općine. Kontinuirano ažuriranje procjene ugroženosti, program razvoja i plan zaštite i spašavanja od prirodnih i drugih nesreća općine. Pratiti stanje priprema za zaštitu i spašavanje i predlagati mjere za unapređenje organiziranja i osposobljavanja civilne zaštite. Osiguravati opremanje materijalno – tehničkim sredstvima u skladu sa mogućnostima, te organizirati, izvoditi i pratiti realizaciju njihove obuke. Obavljati stručne poslove za Općinski štab civilne zaštite, te ostale stručne poslove na organizovanju i koordinaciji deminiranja i obilježavanja iz nadležnosti općine. Nastaviti izgradnju regulacije korita u gradu kao i čišćenje korita Vrbasa i pritoka u skladu sa mogućnostima općine i finansijskom pomoći nadležnih institucija.

Aktivnosti Koordiniran rad sa vatrogasnom jedinicom redovno izvještavanje KU CZ o svim bitnim aktivnostima u službi kao i iznalaženje novih modusa za poboljšanje bolje suradnje između vatrogasne jedinice i stanovništva u svrhu efikasnosti. Ažurirati plana zaštite i spašavanja od prirodnih i drugih nesreća koji je usvojen 2016 godine ,te usklađivanje istog sa višim nivoima vlasti.

Redovito praćenje Zakona vezanih za službu i usklađivanje svih odluka i pravilnika. Izdavanje uvjerenja za civilne žrtve rata kao i drugi poslovi iz nadležnosti službe. Suradnja sa policijskom stanicom i TUN timom na procesu deminiranja na terenu . Redovito prikupljanje izvještaja i informacija od doma zdravlja o eventualnim zaraznim bolestima ljudi , kao i od veterinarske stanice o eventualnim zaraznim bolestima životinja i izvještavanje nadležnih institucija i po potrebi poduzimanje odgovarajućih zaštitnih mjera.

Budući da se u posljednje vrijeme pojavljuju klizišta i odroni na našem na prostoru naše općine redovno će se pratiti stanje na terenu i djelovati po potrebi.

Nastaviti aktivnosti na zaštiti od MES-a i NUS-a zaostalog iz ratnih djelovanja u suradnji sa lokalnom policijskom stanicom, TUN- timom CZ , BH MAC RU Travnik. Rad na poslovima pripreme projekata deminiranja, generalnog izviđanja , hitnog i trajnog obilježavanja minskih i rizičnih površina. Pri ovom obilježavanju koristiti lokalne informatore na terenu. Planirano je za 2018 godinu nastaviti aktivnosti izrade projekata deminiranja i obilježavanja minski rizičnih površina na Crnom Vrhu. U suradnji sa humanitarnom organizacijom „ WOM“ bit će nastavljena suradnja na projektima deminiranja : Rovovi, Rovovi 1 , Rajci 1B , Put Rovovi-Jarkovišće, Bistrica-Put na Rajcima, Rajci 2. Planirano je da se rade opsežni ciljani projekti deminiranja tkz.MPS-ovi i to: Vaganjac-Pale, Hrasnica-Lužani i Galečica.

## **PROSTORNO PLANIRANJE, IMOVINSKO PRAVNI POSLOVI I KATASTAR**

Služba za prostorno planiranje, imovinsko pravne poslove i katastar općine Gornji Vakuf – Uskoplje (u daljem tekstu Služba) u 2018. godini planira svoj rad fokusirati na pripremu postupka javnog izlaganja za dvije katastarske općine (k.o Podgrađe i k.o Voljice) tačnije poduzeti sve neophodne radnje da se ovaj postupak okonča u 2018. godini. Pored ovog projekta Služba će u 2018. godini izvršiti i pripremu i za sljedeće katastarske općine za postupak javnog izlaganja tako da u narednih 5 do 7 godina okončamo ovaj postupak koji je od izuzetnog značaja za našu općinu. U 2018. godini nastavljamo na projektima prenosa podataka u općinski Sud Bugojno za k.o Uzričje i za k.o Bojska, kao i nastavak projekta oko završetka javnog izlaganja za k.o Bistricu. Obzirom da Služba radi na tri projekta očekivanja su da će u 2018. godini doći do značajnih pomaka iz ove oblasti. Pored ovih značajnih projekata u 2018. godini nas očekuje još jedan veoma bitan projekt a to je rekonstrukcija glavne saobraćajnice sa pojedinim sporednim ulicama gdje će se pristupiti rekonstrukciji kompletne infrastrukture na ovom lokalitetu. U planu su aktivnosti oko industrijske zone za pripremu infrastrukture za buduće investiranje, kao i pristupanju problema oko uklanjanja privremenih objekata na cijelom području gradske zone. Također će se nastaviti aktivnosti oko izrade novog Urbanističkog plana gradskog dijela općine Gornji Vakuf –Uskoplje, kao i donošenje novih zoning planova koji su u mnogome jeftinija opcija od regulacionih planova, a i trend u zapadnoevropskim zemljama koji pristupaju izradi ovih dokumenata. Bitno je napomenuti da su svi naši regulacioni planovi kao i urbanistički plan doneseni i usvojeni u prijeratnom periodu, oni

kao takvi se primjenjuju, mada je davno bilo neophodno i za ta naselja donijeti nove planove, ali zbog nedostatka financijskih sredstava mi smo prisiljeni koristiti postojeće planove. Mišljenja smo da bi bilo poželjno u narednim godinama pristupiti izradi zoning planova za buduća naseljena mjesta na ulazu i izlazu iz gradskog dijela kako bi blagovremeno spriječili bespravnu gradnju i kako bi na adekvatan način isplanirali ovaj dio područja koji je veoma bitan za ukupni izgled gradskog dijela općine i samim tim podstakli gradnju na ovom području.

Iz naprijed navedenog je vidljivo da je ključni momenat kod svih planiranja, odnosno kod sastavljanja plana rada iz djelokruga Službe za prostorno planiranje, imovinsko pravne poslove i katastar, finansijsko stanje u kojem se nalazi općina, tačnije planirana sredstva u budžetu općine kako bi se realno moglo pristupiti planiranju, kao i pristupu pripreme raznih Odluka koje su u nadležnosti općinskog vijeća.

U 2018. godini se vode aktivnosti oko izmjena i dopuna prostorno planske osnove na području našeg kantona, gdje smo uzeli aktivno učešće i pokušat ćemo da prilikom izrade ovog dokumenta da predvidimo sve bitne stvari koje su od značaja za našu općinu.

Što se tiče oblasti gradnje proteklih godina u našem gradu je izgrađeno više zgrada kolektivnog stanovanja čime je trenutno tržište zadovoljeno sa ponudom i prodajom stanova i poslovnih prostora. U naselju „Odvode“ imamo na raspolaganju dovoljno općinskog zemljišta pripremljenog za kolektivnu gradnju sa izgrađenom kompletnom infrastrukturom, što je dobra pretpostavka za izgradnju ovih objekata.

Također u samom centru grada u toku je izgradnja dva poslovno stambena objekta koji će u mnogome proširiti ponudu poslovnih i stambenih jedinica.

Ono što je predstavlja problem prikom novogradnje za individualne stambene objekte jeste činjenica da općina na raspoložive pripremljene parcele za individualnu gradnju koji bi mogla ponuditi našim sugrađanima, pa bi shodno tome Služba u saradnji sa općinskim javnim pravobraniocem morala izvršiti razgraničenja državnog zemljišta od privatnih parcela, jer su većina vlasnika parcela koji graniče sa državnim zemljištem prilikom obilježavanja za aerofoto snimanja svjesno pomjerali te znakove i tako drastično izvršili uzurpaciju. Smisao svega ovoga jeste da kada bi izvršili razgraničenje zemljišta mogli bi formirati nekoliko parcela koje bi mogli odmah staviti na raspolaganje potencijalnim graditeljima putem javnog konkursa, te tako značajan dio sredstava uprihodovati u Budžet općine, kao i omogućiti svim zainteresovanim licima da grade na našoj općini na lokacijama koje su veoma interesantne za gradnju.

Ono što će obilježiti 2018. godinu jeste nastavak projekta uređenja javnih površina, gdje će se poseban akcent staviti na uređenje zelenih površina u užem dijelu gradske zone, zatim nastaviti sa planskom izgradnjom drvarnica i garaža na području cijelog gradskog područja, gdje će Služba u kordinaciji sa predstavnicima kućnih savjeta izvršiti izbor lokacija za predviđene drvarnice i garaže i shodno tome na zahtjev stranaka koji budu željeli koristiti javne površine donijeti Rješenja u kojima će se definisati prava i obaveze budućih korisnika.

U toku 2018. godine očekujemo da će se pristupiti sanaciji (rekonstrukciji) glavne gradske ulice i shodno tome će biti potrebno usmjeriti sve raspoložive resurse kako Službe, tako i drugih sudionika u projektu kako bi ovaj projekt od velikog značaja za općinu bio realiziran uspješno. Prije svega ovdje mislimo na donošenje niza podzakonskih akata koji će unaprijediti rad Službe na ovom lokalitetu a samim tim stvoriti pretpostavke da se uža gradska zona uredi sa svim sadržajima koji priliče ovom dijelu općine. Također ono što će Služba u 2018. godini pokušati realizirati jeste izrada planova parcelacije naseljenih mjesta koji su aktivni u svom širenju unutar naseljenog područja kao što su Voljevac, Boljkovac, Dobrošin, Trnovača, Pajić Polje, Dražev Dolac ili neka druga naseljena mjesta koja imaju potrebu za planom parcelacije. Shodno tome Služba je stava da je potrebno pristupiti formiranju novih zona ili raščlaniti četvrtu zonu (npr. IVa, IVb i IVc podzona ) i uvesti određene vrijednosti naknade za pogodnost građevinskog zemljišta (rente) i vrijednosti komunalija za građenje objekata shodno datoj podzoni kojoj pripada, obzirom da su se stekli određeni uslovi za ovu aktivnost i dijeljenje naseljenih mjesta u nove zone ili podzone.

Pored izrade planova parcelacije neophodno je pripremiti prijedlog Odluke o određivanju zemljišta za redovnu upotrebu objekata kolektivnog stanovanje, jer za neznatan

broj objekata ovog tipa koji su prije rata sagrađeni i useljeni nije određeno zemljište za redovnu upotrebu.

Od indirektnih aktivnosti ove službe važno je napomenu da će se ova služba zalagati za dovođenje novih investitora za gradnju u industrijskoj zoni a sve u cilju što većeg broja otvaranja novih radnih mjesta. U tom pravcu se odmah na početku ove godine vrše pripreme za dva nova investitora koji namjeravaju graditi nove tvornice u industrijskoj zoni Batuški lug.

Mišljenja smo da donošenje dugo očekivanog Zakona o premjeru i katastru nekretnina, koji je trenutno u formi nacrt, a koji će u konačnici dodatno povećati obim poslova iz djelokruga rada ove Službe, a s druge strane bi isti trebao riješiti dugogodišnje probleme naše općine, a tj. da je Općina Gornji Vakuf – Uskoplje je jedna od rijetkih općina koja koristi podatke koji nemaju pravnu snagu (osim za k.o Bojska i k.o Uzričje) i donošenje ovog zakona je od velike važnosti za našu općinu, pogotovo za postupak javnog izlaganja koji je u ovom zakonu dosta pojednostavljen i radio bi se po ubrzanoj proceduri. Također donošenjem ovog zakona direktno će se promijeniti i stanje u budžetu općine. Međutim, do donošenja ovog zakona općina će krenuti u postupak javnog izlaganja obzirom da je vlada FBiH donijela UREDBU O IZLAGANJU NA JAVNI UVID PODATAKA PREMJERA I KATASTARSKOG KLASIRANJA ZEMLJIŠTA kojom se dozvoljava nastavak postupka javnog izlaganja a prije svega ovom uredbom je zamišljeno da se postupak javnog izlaganja izvrši na način da se zemljište izloži, tj. da se utvrdi površina i broj budućih parcela, a dok bi se o pravima odnosno o nekretnini odlučivalo na način da u ovom postupku angažujemo predstavnike zemljišnoknjižnog ureda ili da se o pravima nad nekretninom odlučuje u drugom postupku. Ova Uredba propisuje postupak, način i tehničke uslove izlaganja na javni uvid podataka premjera i katastarskog klasiranja zemljišta, prikupljenih na osnovu Zakona o premjeru i katastru nekretnina. Uvažavajući mišljenje Ureda za zakonodavstvo i usklađenost s propisima Evropske unije, Vlada je ovu uredbu donijela do stupanja na snagu Zakona o izmjeri i registraciji nekretnina a koji predviđa uspostavu jedinstvene baze podataka o nekretninama i pravima na nekretninama.

U toku 2018. godine planiramo završiti postupak predaje podataka za dvije katastarske općine koje su izložene (k.o Bojska i k.o Uzričje) na upotrebu zemljišnoknjižnom uredu, kao i završiti postupak javnog izlaganja za katastarsku općinu Bistrica. Sve ove aktivnosti se rade u saradnji sa Federalnom geodetskom upravom koja većinu sredstava finansira i odobrava.

Ono što je možda i najbitnije jeste da općina planira da u toku 2018. godine pristupiti projektu javnog izlaganja za 2 katastarske općine. U planu je da se izlože sljedeće katastarske općine i to : katastarska općina Voljice i katastarska općina Podgrađe. Obzirom da će u budžetu općine biti osiguran potreban iznos, nadamo se da će ova godina biti prekretnica u konačnoj harmonizaciji podataka i omogućit će se da se u narednim godinama i ostale općine javno izlože što bi bilo od ogromnog značaja za sve građane naše općine.

Služba će u saradnji sa Službom za stambeno komunalne poslove privesti kraju dvije velike aktivnosti. Prva se odnosi na rješavanje dugogodišnjeg problema parkiranja u našoj općini i pokušat će na najbolji način predložiti potrebne lokacije i učestvovat će u donošenju potrebnih akata, kako bi se na adekvatan način ovaj problem riješio. Zatim će pristupiti rješavanju nelegalno postavljenih objekata na javnim površinama (šupe, garaže i dr.) na cijelom području gradske zone gdje je planirano Odlukom o korištenju javnih površina da za sve ove objekte svaki korisnik mora imati odobrenje, naravno uz određivanje lokacije a što sve spada u nadležnosti ove Službe.

Služba u 2018. godini planira riješiti i jedan dugogodišnji problem a koji se odnosi na lociranje kontejnera koji služe za odlaganje otpada. Obzirom da je prisutno nezadovoljstvo građana oko ovog pitanja i postoji zahtjev mjesne zajednice Gornji Vakuf-Uskoplje 1 da se pristupi ovom problemu, mi smo spremni da na jednoj od narednih sjednica općinskog vijeća predložimo Odluku o lociranju kontejnera za odlaganje otpada. Činjenica jeste da smo ovu Odluku planirali predložiti na usvajanje općinskom vijeću i u prošloj godini, međutim imajući u vidu činjenicu da će se u 2018. godini pristupiti rekonstrukciji glavne saobraćajnice ova Odluka je odložena do okončanja ovog projekta.

Što se tiče formiranja adresnog registra nekretnina na području naše općine u 2016. godini potpisan je Ugovor o zajedničkom finansiranju uspostavitve baze podataka na

nekretninama sa akcentom da je ovo prva faza projekta. Projekt uspostave adresnog registra će se nastaviti i u 2018. godini a isti je veoma interesantan za svaku općinu i veoma je bitan, radi se o uspostavi baze podataka za sve objekte koji se nalaze na području naše općine i vezanje istih objekata sa nekretninama, što u konačnici rezultira da općina može pristupiti numeraciji kućnih brojeva, gdje ovaj projekat ne bih zahtijevao velika sredstva ali bi svaka kuća, odnosno ulica bila evidentirana u programu koji bi bio spojen na glavni server katasar. ba i u realizaciji sa federalnom upravom Sarajevo mogli bi dobiti i finasijsku podršku za ovaj projekat. Ono što je veoma bitno naglasiti jeste da općina trenutno raspolaže sa dosta imovine za koju nema tačnu evidenciju i na ovom planu Služba će dosta toga učiniti kako bi svaka nekretnina u vlasništvu ili posjedništvu općine mogla biti evidentirana na jednom mjestu.

Ono što je ohrabrujuća okolnost jeste da će Služba poboljšati radu u 2018. godini, a sve iz razloga što je općina izvršila nabavku jednog savremenog GPS prijemnika koji će u mnogome pomoći lakšem radu geodeta na terenu, pogotovo imajući u vidu činjenicu da su isti radili na zastarjeloj opremi.

U narednoj godini kao i prethodnih godina aktivnosti ove službe biti će usmjerene na provedbu propisa preko kojih građani ostvarivaju svoja prava. Namjeravamo raditi na svom stručnom osposobljavanju, a prije svega pohađat seminare iz oblasti primjene Zakona o stvarnim pravima, obzirom da je danom stupanja na snagu novog Zakona stavljeno van snage niz zakona koji su bili u svakodnevnoj primjeni u postupcima koji su se vodili i vode kod ove službe, te pohađanje seminara iz oblasti održavanja katastarskog operata, kao i razmjenjivati mišljenja sa stručnim licima koja su neophodna za efikasan rad ove službe.

Dalje, za potrebe Općinskog vijeća i dalje ćemo sudjelovati u pripremanju svih vrsta akata, Odluka, Rješenja, Zaključaka, zatim ćemo sudjelovati i truditi se da se maksimalno i efikasno pripreme predmetni materijali kako bi se isti u najvećoj mjeri izvršili. Pored gore navedenog, pružati ćemo usluge, informacije strankama, a u vezi što boljeg rješavanja imovinsko-pravnih i drugih odnosa.

Uvidom u predmete koji se vode kod službe za prostorno planiranje, imovinsko pravne poslove i katastar vidljivo je da najveći broj predmeta pokrenut na zahtjev stranke, pa je shodno tome i nemoguće kvalitetno planiranje obima poslova za sljedeću godinu. Služba za prostorno planiranje, imovinsko pravne poslove i katastar u 2018. godini planira uraditi sljedeće:

- voditi evidenciju o prostornom uređenju općine,
- izdavati urbanističke i građevinskih dozvole po zahtjevu stranaka u skladu sa zakonima i općinskim propisima,
- poduzimati aktivnosti za nastavak postupka javnog izlaganja podataka o nekretninama i utvrđivanja prava na nekretninama odnosno uspostava katastra nekretnina te usklađivanje podataka sa podacima iz Zemljišne knjige,
- ažurirati Bazu podataka katastra nekretnina za k.o. Uzričje i k.o.Bojska,
- provoditi postupke za donošenje rješenja o utvrđivanju prava na građevinskom zemljištu i dodjeli istog,
- voditi evidenciju o općinskoj imovini,
- voditi i održavati katastar nekretnina općine,
- vršiti poslove uspostave novog premjera nekretnina,
- izdavati uvjerenja o činjenicama o kojima se vodi evidencija,
- rješavati i donositi rješenja po upravnom postupku iz oblasti imovinsko-pravnih poslova,
- utvrđivanje promjena nastalih na zemljištu i uvođenje u katastarski operat,
- izraditi godišnji pregled katastarskog prihoda,
- pripremati Odluke i druge opće akte za općinsko vijeće, analitičko informativne i druge materijale iz ove oblasti,
- u skladu sa Zakonom o građevinskom zemljištu donositi rješenja po zahtjevima stranaka o prestanku državnog-društvenog vlasništva na zemljištu koje nije privedeno svrsi u skladu sa regulacijskim planom, a koje je u društveno, sada državno vlasništvo prešlo Odlukom općine,
- pristupiti provođenju postupaka za prodaju zemljišta i zgrada u državnom vlasništvu,

- izvršiti obnovu geodetske mreže,
- pristupiti završetku postupka digitalizacije geodetskih planova,
- ostale zakonima predviđene aktivnosti, i pratiti zakonske propise iz djelokruga službe,
- izraditi godišnji izvještaj u cilju informisanja nadležnih organa o stanju i problemima iz ove oblasti,
- permanentno učestvovati u pripremi urbanističko-tehničkih i drugih uslova, te donošenje stručne ocjene gdje je to zakonom regulisano,
- vršiti iskolčavanje svih objekata a posebno gdje je investitor općina ili je općina implementator nekog projekta,
- vršiti tehničke preglede objekata,
- učestvovati u donošenju rješenja o određivanju zemljišta za redovnu upotrebu objekata za koje je izdata upotrebna dozvola i koji se koriste, vršiti cijepanje ili spajanje parcela,
- pripremati odluke i tehničke dokumente za izradu novih ili izmjenu i dopunu postojećih regulacionih planova, ili planova parcelacije.
- obavljati i druge poslove u skladu sa zakonom i Statutom općine.

Dostaviti:

- Općinskom vijeću
- a/a

Općinski načelnik  
Sead Čaušević, prof.